

相母叔兄弟發之并執瘡以聞

沅陵民家牛生犢二首三尾又民家產豕人足隻目旋斃

戊戌刑部尚書孫璋改吏部尚書署左都御史

起禮部右侍郎張邦紀清黃

兵部左侍郎張經世為戶部尚書總督倉場巡撫天津右副

都御史李邦華為兵部右侍郎左僉都御史鄭三俊為左副

都御史

平遼總兵毛文龍報涼馬佃牛馬之捷斬三百三十五級賜

金蟒勞軍三萬

己亥宣延綏寧夏甘肅之捷告郊廟

山東道御史劉惟忠為太僕寺少卿福建道御史彭際遇為

大理寺右寺丞

庚子兵部右侍郎劉日梧予告以給事中蒲秉權劾其逾年

未任也

辛丑太僕寺少卿侯執蒲為太常寺卿光祿寺少卿彭端吾

大理左寺丞楊瀛文選郎中李逢節並為太常少卿尚寶司


少卿錢春為太僕寺少卿

壬寅詔曰朕惟自古帝王續圖綿歷率隆胤祚以重宗祧朕

國權

天啟三年

堯



以眇躬紹承鴻緒夙夜祇念 皇祖 皇考儲祉垂庥詒孫
翼子所望早昌嗣續以慰在天之靈蓋三年於茲乃荷 皇
穹眷祐九廟居歆以今年十月二十二日皇子誕生繫 皇
貴妃范氏出嘉慶集於邦家懽悰洽于億兆肆頒渥澤誕被
多方應有恩條開列于後 云於戲震得男而應索逋開長
發之祥翼申命以疏恩用佐維新之政布告天下咸使聞知
甲辰工部科給事中楊所脩言河工 祖陵之衛宜周海上
接應之議宜急仕路澄清之要宜審報聞
乙巳禮科給事中郭興治言吏治之壞由勸懲之不明貪贓


之輩至駐私累萬而處之降調其孤高介特取效營求而忘
者反以為矯激排擠中傷如禮部主事程國祥而令嚴城家
徒四壁而凶人視為當門之蘭兵部主事劉承基兩任縣令
無苞苴無贖錢竟不行取如廣東羅定道副使張大猷昔惟
閩游聖節省七千餘金而沉滯蠻烟瘴雨之地且正學粹品
之馮從吾清風高節之下承憲而不用如察典久棄之蔡獻
臣未斥蠹候國之何棟如未罪烏足以清仕路而神激賞哉
事下所司

戊申延寧套卜都督同知卜失免阿不害等貢馬

國權


天啟三年

罕



翰林編脩侯恪等須詔各藩尚寶少卿陳元等須詔各省直
戶科給事中孫紹統言銓政宜準 祖制以京堂言之定制
南北各正卿一各少卿與丞或二或三總計不過三十員自
起廢之途開一概添註大賢起老庸亦起大奸大貪一察再
察者亦起有一署至二三十員而京堂之制失以部屬言之
部員職掌亦自匪輕 祖宗朝題准戶刑工部司屬無故不
得輕調若勤慎者與吏禮兵部一體序選部分何嘗限人不
謂厭薄于此覬覦于彼而部官之制失以臺省言之 祖制
三年一取二年二取俱見缺取用今需次候缺多至二年少

亦年餘而行取之制失以撫臣言之 神宗朝令各巡撫官
歷任年久方許推陞今席未煖而推報已至功方新而旌旄
又移而撫臣之制失以司道言之陞轉太易修帛修藩近且
人人熱心京卿矣不知 世宗朝僉事通陞副使按察使參
議通陞叅政布政使不必驟更數易者何居而司道之制失
以府州縣言之 神宗初年題准首令以兩者為主知府歷
俸六年上下乃得陞遷近來知府有三年始陞至于州縣有
三年兩調而郡邑之制失所掌邦治者為定功令而後外官
始各脩寔職地方始受寔政也章下所司



工科給事中方有度言今日生財之孔已盡惟有節之一途
言節必自宮闈始今宮闈之年例日取其盈海宇之物力日
受其縮如 慧妃冠冊之內辦 順妃之祔葬節省已見于
天下矣尤望益弘儉德擴而充之于百姓不聽

庚戌陝西三邊總督李起元為南京戶部尚書太常少卿楊
漣為左僉都御史大理右少卿翟鳳翀為右副都御史巡撫


山東

辛亥吏部尚書趙南星言干進之害居官者皆欲得京堂荐
賢者皆欲其為京堂甫京堂即欲巡撫甫巡撫即欲卿貳若

絕無救民之意者夫可以救民莫過于巡撫次則知府最急
知府賢則縣官不敢害民二者害有大小皆宜選擇破格而
用之久任而推之也 上是之

御史楊建烈劾順天巡撫岳和聲白馬關失事及賄受將吏
不問

叙畿輔平妖功保定巡撫張鳳翔進兵部左侍郎賜錦衣百
戶天津督餉戶部左侍郎畢自嚴進右都御史兼戶部左侍
郎天津巡撫李邦華已陞任仍加俸一級各賜金三十幣二
來斯行等各遷資有差時議天津二撫歸一命畢自嚴兼巡



撫

癸丑協理戎政左副都御史朱光祚進兵部尚書

甲寅廣東道御史宋師襄論熊尚文病魔周應秋無骨袁可立無功皆當去不去須之彥賈緣轉調呂純如傾害竇子偁

不當來而來 上不問

乙卯雲南地震

御史張應辰劾何棟如盜餉八萬有奇關臣梁之棟劾明遠問在去年季冬 今延飾何也


四川仁壽縣長山聲裂七里衝三尺深不可測

復普安新興

十月丁巳朔冬至 上南郊還御皇極殿止宴夷使于左闕門

戊午御皇極殿受賀

己未推恩外戚太子太保新城伯王昇進侯子錦衣指揮僉都事王國興進指揮同知從子國泰正千戶都督同知張國紀進右都督指揮王學段黃曩並都指揮僉事 皇貴妃范氏弟錦衣衛指揮僉事范守仁進都督同知守義指揮僉事葉向高進上柱國兼支尚書俸廕尚寶司丞韓煥左柱國兼支尚書俸廕中書舍人何宗彥孫承宗並進少傅兼太子太



師朱國禎顧秉謙朱延禧進少保兼太子太傅魏廣徵進太子太保文淵閣大學士並詹監

庚申右庶子唐大章改左庶子諭德林欲楫為右庶子並署坊邱右諭德張廣為右庶子南京國子司業葉燦為左中允編脩劉鴻訓起右中允

辛酉工部左右侍郎周應秋熊尚文俱予告

甲子刑部左侍郎喬允升為刑部尚書保定巡撫兵部左侍郎張鳳翔回部署右侍郎事


監軍布政使謝存仁右叅議王鏌副總兵袁善會于普安一

日夜抵八納山斬渠帥尹王保

乙丑慶陵饗殿成

丙寅推恩日講官鄭以偉錢象坤並禮部尚書兼翰林學士協理詹事府趙秉忠進太子賓客二品服俸成基命為少詹事兼侍讀學士姜逢元王祚遠並左諭德兼侍講正字張邦經改光祿少卿傅應星進禮部儀制員外郎王讚工部虞衡員外郎餘如故

丁外禮科左給事中魏大中言臣與同官彭汝楠辦事該科有監生陳宗虞乞父子貞齋塋子貞官四品已蒙例子祭請



葬請廢事屬違例且例所應得未嘗不參考生平汝楠謂子
貞撫閩汎海之後開洋舉炮自焚厥師致疾沒而臣憶子貞
按閩時官令以淫黷撫臣許孚遠初之子貞薦之公論不與
政郵典條例所云例雖應得而行業無稱勛勞未著者也予
祭贈官已踰涯分可肆無厭之求耶章下所司
寧夏巡撫右副都御史李從心為兵部右侍郎兼右僉都御
史總督陝西三邊軍務
戊辰慧妃范氏封皇貴妃
張國柱嗣安卿伯

故河南巡撫右僉都御史李思孝贈兵部左侍郎

庚午萬壽節雨雪免朝


吏部請考選續至諸臣 上命遵三年一考之例吏科都給
事中程註署河南道御史袁化中等奏明旨慎考試當而停
考非宜未聽

吏部尚書孫瑋進太子太保

甲戌慶成王敏菴薨長子求榆攝府事


陝西寨平等族番人羊加保等貢馬

先是任子一品授中書舍人二品三品授五府都事各幕其




五年各幕三四年並遷主事員外郎獨中書九年滿考遷員外郎中書舍人沈泰泳言其不平命以後俱五年序遷哈喇慎部夷朗素貴英糾三十六家挾賞謀犯中右所叅將王極行邊至仙靈寺遇伏死之兵部尚書趙彥請下督撫覈所殺者草賞治罪而後許之撫賞如故
乙亥貴州巡撫王三善出師抵大方賊走白兔大箐據險負固佯乞降求援于各土司逆党陳其愚安邦彥兄邦俊之死友也來降三善信之為所誘久居大方欲郡縣其地
丙子禮科都給事中惠世揚為太常寺少卿

兵部尚書趙彥奏據上海關總兵馬如龍報回鄉人云敵造西之囉囉車三千餘輛傳衆牛鹿頭目每家作西卜衣帽欲借西路往喜峰臣等以敵既得志何嘗一日忘西窺之心今西卜罷守口夷人稱兵挾賞而東報適至始知西卜之款不可恃也今關內有南北官兵十三四萬不為不多矣宜及時遠鏡其營某將為前鋒某營某將為奇兵某營某將為援兵皆責之衝鋒破敵又擇善守者某營某將為正兵守輜重某營某將守關門某營某將守隘口皆責之畫地固守此分布兵馬之當豫者也昔者遠廣之守由人心不固今關門三大



將薊鎮二大將皆一時人傑宜以忠義感動大小將領上下
必固結俾人人知忠君報國之義此固結人心之當豫者二
也自有遼事以來謂敵強我弱不知彼之必勝者膽壯而力
強我之所不及者膽怯而力弱也五大將當宣諭各官軍奮
勇力戰共建奇功進而殺下陞賞立至齊心戮力何敵之不
可破此鼓舞膽力之當豫者三也山海綫路固天設之險而
三協各邊皆層巒疊嶂亦天之所限華夷者其水口空缺某
最衝某次衝今處處有備至喜峰口為入貢大路敵所垂涎
兵不滿千何恃以禦敵宜通州天津各調騎步兩營各用南

將領赴喜峰口防禦聽王威調遣又須三協大將躬行調度
中協則總兵王威移喜峰口西協則總兵孫祖壽移古北口
東協則總兵移林桃界河口嘗川至明年二月終而止此固
守險隘之當豫者四也我欲知彼情形全在哨探哨探尖夜
不可尋常泛差須擇志勇之士厚于身家十倍于營軍仍給
衣物財貨令結敵之左右敵之聚兵嘗在一月前某目統領
某枝入犯先期探報我得扼險堵截哨探得寔准首功陞賞
以勵其後至薊鎮臺兵始于戚繼光皆義烏壯丁敵所懾服
而不敢動今改募北人成法盡廢當仍募南兵哨守庶有備



而窺伺不生此哨探守臺之當豫者五也敵兵正銳難以力
爭我兵未練當以計勝五大將各派兵分地堅壁固壘勿遽
與交鋒設疑以擾之多方以亂之使進不得戰退無所掠頓
困數日銳氣漸衰必潛師東渡五大將各分兵進擊其惰歸
勿輕視于一擲關外之遠民衆兵馬多矣戰守不可知倘有
潰散情景岩關不免動搖宜核寧前各屯堡有城堅糧足及
覺華島可以保守者量守斂其中固守勿戰以待大兵堵截
或屯堡不能盡容者可徐々收入關內毋得驚惶以悞人心
此堅壁清淨之當豫者六也三表五餌自古不絕惟在我之


兵力強盛撫賞得法舊賞不減新賞不增彼此相信內外謐
寧此撫夷伐謀之當豫者也七毛文龍提孤軍于海島牽制
三年矣出奇設伏屢獲大捷亦敵之所畏朝鮮權國事李倧
以李瑋通敵為名攘奪其位今請命天朝力願報効宜降勅
發登萊巡撫差捧至朝鮮令發兵數萬同毛文龍列營于附
近海島間不時出疑兵奇兵以擾之密加哨探伺彼動靜如
有過河即搗老巢以攻其必救此海外牽制之當豫者八也
上從之其李倧著暫署理朝鮮國王事下禮部即議

設遷曰樞部豫計非不稔然可行竟寔效安在哉一條列

國權

天啟三年

四六




一題覆謂其職已盡此外任當事自為之不必問亦不能問也餘人皆然習紙土之績仇局中之規天下事不釀至極潰曷所抵哉

督師大學士孫承宗以王楹失事誅逆將周繼武等十九人因求免不許

丁免吏科都給事中程註言天下最急莫如遼左而薊門其咽喉也次莫如滇黔而偏沅其門戶也頃督臣王象乾以憂聞銓臣議推補忽焉中止以樞輔躊躇鄭重將議撤焉意謂勦撫原自一局未有專操必無異議識者躉之但督撫得其

人未必不資樞輔之力若之何自撒藩蔽也偏沅總督也已予告而議尚未定或欲去督而專撫或欲去撫而專按臣然偏沅有撫舊矣曩征播州以支可大移鎮後用江鐸事急則設事平則止不獨固楚之圍而正以壯黔之援今黔中告急風鶴皆驚數百里獷悍之苗非一中丞鎮撫其間何以恬然受我戎索哉章下兵部

吏科給事中郝士膏言京堂添註太多晉陟無地計寔俸滿歲則放假回籍遇巡撫卿貳缺出拔才望而用之監司缺少率虛占于例轉之官慢君命悞地方此不可訓也宜自命不



為始逾歲不任吏部徑作缺另補而本官仍請旨處分得旨
京堂填壅因推陞太多以後照例陞轉毋徇情濫推其方面
不到任即作缺另補不必一年

川師入龍場奢寅中劄而遁擒奢崇明妻安氏并崇輝及偽
軍師蔡金貴偽經略李健偽丞相張問極偽總兵王三思等
斬千餘級

戊寅督理屯田太僕卿董應舉進右副都御史

巡按直隸御史潘雲翼言督臣王象乾以憂去請代朗素糾
合各家時躑躅于關外敵聞其不受戎索人又皆歸咎于撫


伏祈諭象乾仍安心料理俟得代面相揚權方許離鎮從之
已卯戶科給事中朱欽相請薊鎮據險脩邊其地形不外三
等曰山梁曰平地曰水口在山梁宜剷崖削峰在平地宜掘
溝開壑在水口宜安木城架火砲其守牆也不專恃牆而有
險以衛牆其設險也不專恃險而依牆以據險 上是之
巡按貴州御史侯恂言舊撫李樞迫取安邦彥金盆事非寔
乃御史蔣允儀風聞之悞令允儀回奏允儀再疏詆樞仍下
部院議奏

朝鮮陪臣禮曹叅判趙懺等進龍文簾席等賀萬壽及冬至

國權

天啟三年

五十



節賞賚如例

總督貴州楊述中免

壬午工部右侍郎蕭近高改左太僕卿高攀龍為刑部左侍郎大理卿饒位為工部右侍郎通政使吳用先為添設右侍郎督理門工


太常少卿王洽太僕卿程正己魏雲中左通政徐良彥為巡撫右僉都御史洽浙江正己保定雲中寧夏良彥宣府

貴州巡撫王三善劾援黔總兵官麻鎮援黔避粵借募侵餉逗遛觀望致悞圍城 上命逮之

保定巡撫張鳳翔言保定舊七營各不過千人練兵營則抽各營二三百頭緒紛紜于是并為五營可裁僉書一真定亦七營各不過千三四百人練車營則抽各營亦三五百亦頭緒紛紜于是亦并為五營餘官皆裁每營中軍一把總領五百人不設千總兵部咨到加銜官共二百四十餘員正考留九員從之

甲申追封 皇長子慈筴為懷沖太子

乙酉錄川貴搗巢解圍功進朱燮元右都御史舊督楊述中陞俸一級進王三善兵部右侍郎薛貞右副都御史餘進秩



有差

恩廕諸大臣尚書吏部趙南星孫瑋戶部李宗延張經世禮
部林堯俞兵部趙彥刑部喬允升工部王舜鼎侍郎吏部曹
于沐王圖戶部陳于廷禮部錢象坤周如磐張邦純汪輝兵
部李瑾高第朱光祚李邦華工部周應秋熊尚文都御史鄭
三俊大理卿饒位太常卿洪世俊胡克儉胡世賞侯執蒲林
熙春盧大中曹珍太僕卿黃運泰程紹饒伸柳佐王之霖丁
啟濬光祿卿洪翼聖何喬遠郝名宦李本固南京尚書沈倣
灼侍郎蕭近高太僕卿董應舉光祿卿魏特舉並得廕准送

文選司


十二月丙戌朔遼東巡撫張鳳翼言今日請勅該部收拾人心
為第一義遼官無祿者准舊餉補支遼士無歸者准前衛設
官署事遼人陷虜求還者准撫賞內濟贖允指揮千百戶文
武生童及各被虜男婦行關內關外寧前各道查明安置更
慨發軍需以資急用原設遼東每年馬價求查發市馬部覆
如議

泰寧等衛夷人炒禿等貢馬頒賞衣段本色絹靴鞵折給至
是並求折價禮部為請

國權

天啟三年

五十二



工科左給事中楊維新言屯田董應舉報收紅白稻一萬五千二百餘石今關外缺餉當本色抵新餉聊濟斗米四錢之厄從之

丁亥王三善會師十萬于明宗渡分五路道臣岳其仰等監之值賊敗之追渡河復渡烏江七戰皆捷

戊子御史蔣允儀巡按陝西魏光緒巡按山東高推等巡視京城


己丑辰刻金星順行晝見于寅位

故應天巡撫王象恒浙江巡撫劉一焜其子並乞祭葬部覆

許之禮科左給事中魏大中言僉都御史四品會典無予葬之例 上命停給

戶科給事中朱欽相議裁登撫召孫承宗暫歸歲一巡行以警動將吏四十七年以前逋負盡與民蠲免盜餉如陶朗先何棟如梁之垣等贓私巨萬絕不見分毫宜行撫按嚴追得旨輔臣需召不得輕言餘下部

命黔國公沐昌祚協撫按料理其孫啟元毋預兵事初巡撫閩洪學言援黔屢命一日沐昌祚再曰沐啟元臣見昌祚筦鎮之日久矣持重是其所長據鞍裹草有其心不必有其力




似朝論倚之太重屬望過殷也啟元一穉狂妄人耳軍國何
事而輕以付之二月邸報得沐啟元援黔之旨鎮臣感然曰
必用啟元事將大壞巡按羅汝元亦言之故有是命

庚寅刑部右侍郎牛應元為左侍郎


辛卯屯田太僕寺卿兼監察御史董應舉進右副都御史督
理順天屯田上言其難十倍其利亦十倍何也故而安插遼
民是欲藉遼民以屯也屯于直隸天津至山海等處是為京
師擁護左臂也藉遼力以屯是以賑救當召募不虛費其銀
于賑為京師擁護左臂是以屯政寓政令不別費其銀于募

比、古將帥屯田有兵可用者其難十倍若成功其利亦十
倍何也救流民使不生亂一也左臂厚京師益安二也溝田
槎牙因成地網列樹參差胡騎不得長驅三也農隙講武壯
聲遠暢虜或弭心四也閑兵弱脆居民悞駭有屯助其聲勢
安固有其心五也于屯田處鼎飭敵臺虜至則入堡烽火相
屬易達京師六也屯衆收多米草之價自平國餉不匱七也
漕運艱難屯田稔歲令漕民就糴可省其疲八也民不疲勞
無東亂九也屯事既成用不募之兵因不漕之粟人不畏敵
兵不虞飢進可戰退可守十也此何如功力而令臣不才任



之乎臣聞忠臣受任必計成功老成圖國必慮大費今以遼
民數十萬鬻妻子接衣食其情至慘一聞安插之令所在擁
集其費必大安插一户須土室牛種田器穀食皆具而後可
耕三百家一畝臺大小相錯兵械必具而後為保有耕作之
資而無收保之所寇至棄之屯地事不成故欲得其利必督
其功欲督其功必給其費不知朝廷有以應此乎有以應而
後臣敢任無以應集者必罵必亂臣將無以自明臣不敢
任也且既有屯田御史又以并臣一柄兩操遼民既任經略
總督請賑又命臣安插一民兩恤安插之事須與郡邑相關

衙門新設必有分任之官聽用之人俸糧工食于何處給察
地借糧于何責成一有阻格勢必難行權不能行之郡邑臣
亦不敢任也今臣受命候勅候關防則種期已過必須給食
至明年夏所費益衆私計安插遼民一萬農房牛種器械畝
臺等項須五萬金可月給穀食至明年麥熟而止亦須五萬
石而安插三萬須三十萬有奇明夏以後麥不自給乃可省
此而籽粒猶不能入官後年秋麥熟乃可計畝輸糧輸稻積
為閔餉用朝廷費三十萬銀而待輸于兩年之後議者必以
為遲臣能終其事乎臣愚欲十家為保、有保長十保為聚



聚有聚長十聚為連，有連長四連為帥，有帥長而後統以屯田分司歲一課屬，其有作奸藏奸，鼓衆煽亂，寇至處保入保不嚴守者，須同旗牌行法。又須中軍叅將守備把總等官，乃有次第法可施行。否則臣亦不敢任也。

客氏及太監王體乾、宋晉、魏進忠、梁棟、史賓、張文元、李寶、王朝忠、劉應坤、安進、各世錦、衣衛指揮僉事。

前江西副使陳幼學為南光祿少卿。

尋甸知府周仕國進苑馬少卿，仍雲南府事。

壬辰孫承宗言：今當裁經略，仍以兩撫主之。搃督時一問焉。

臣當罷遣如不欲，臣離閩請且不推。經略不推，搃督以臣督兩撫，以防欺歸撫。臣居密雲，居寧前，又言登撫未可遽裁。登鎮仍當早計，上是之。

癸巳登萊搃兵沈有容罷，東充搃兵楊肇基代之。即裁東充搃兵設叅將。


禮部尚書林堯俞言：朝鮮李倧乞李頌勅，令登萊撫臣遣官同陪臣至其國，令受王號，仍發餉資。毛文龍恢復有緒，始遣勳戚大臣捧節冊封。庶几字小之仁，不失固圉之道。從之。

設選曰：李倧弒叔，既不能討，又封殖之，非制也。設高皇

國權

天啟三年

季



帝閉關絕使必矣建虜逆命若拒三韓之好勢且淪入于
建虜計之左也力不並芟權從其靖非窺隙而有所動乎
甲午勅諭華陽王至德鈐束諸宗以專城另居且漸近蠻洞
故也

延安督糧同知改捕盜銜駐黃龍山


吏部右侍郎賈于汴予告

禮部左侍郎李騰芳改吏部光祿卿何喬遠為通政使太常

卿沐熙春為大理卿

錦衣左都督駱思恭廕百戶以緝奸功

錄延綏甘肅寧夏歷功文武臣楊應聘等二百九人臧爾勸
等二十四人祁伯裕等百八十人陞賞廕恤甘肅巡撫進太
子太保廕錦衣正千戶巡撫徐養量進南京兵部尚書攝左
侍郎事廕副千戶並世襲甘肅總兵李懷信進左都督需用
世副千戶先後總督楊應聘原廕錦衣副千戶今進指揮同
知劉敏完進太子太保需召原廕正千戶加一級李起元進
太子太保世指揮僉事陝西巡撫金忠士原廕錦衣指揮僉
事加一級陝西總兵官秉忠原廕本衛正千戶加一級寧夏
巡撫臧爾勸進兵部左侍郎廕錦衣百戶總兵蕭如薰贈都




督同知世本衛百戶先後兵部尚書崔景榮進太子太保原
廕錦衣副千戶加一級黃嘉善進少保原廕錦衣正千戶加
一級張鶴鳴進太子太傅原廕錦衣正千戶加一級並世襲
餘叙錄有差

乙未協理京營戎政兵部侍郎朱光祚遵旨請改勅章先是
京營設兩協理一侍郎一副都御史及協理缺廷推副都御
史朱光祚為侍郎陳道亨為副都御史各協理 上改道亨
別用故光祚以新銜改勅納右副都御史勅協理戎政都察
院關防

丙申御史高推論舊樞黃嘉善張鶴鳴失事狀今延綏叙捷
世廕何計而處此 上不問

南御史陳本言滕縣妖盜後有數千人歸里有司猶苛求之
致數千人攘臂而去宜申招撫之令黔蜀之難將官搶擄至
子女相遺謂宜下劫掠之罪章下所司

恩典及錦衣衛官駱思恭進少傅兼太子太傅王世盛都督
僉事李不矜都指揮同知史世載都指揮僉事楊汝敏指揮
使俱仍任張懋忠右都督楊汝華都指揮同知俱僉書張進
道濟指揮同知吳堯年都指揮同知沈光裕都指揮僉事劉



僑都指揮同知名仍任萬邦字都指揮僉事南鎮撫司僉書
工部右侍郎蕭近高予告

丁酉吏科給事中許譽卿言年來爵蔭太輕紀綱日替兩
朝登極 皇子誕生三品京堂以上人、延蔭子孫至錦衣
世襲非軍功不得濫予而今保姆之屬閹尹之流紛、傳奉
兵部不敢執爭故曰爵蔭太輕也截奪官餉半出脫逃之叛
兵迫脅柱吏近屬管轄之門卒所尤異者則內監李實之叅
楊姜也實雖奉勅督造欲五品府官俛首姜必不甘實疏入
則有提問之旨撫按疏入則有庇護之旨故曰紀綱日替也

上欲重譴譽卿以輔臣揭救奪俸年半


戊戌京師地震

己亥陝西魯班等七寺喇嘛僧林鎮桑卜等貢方物

先是韓城妖人劉買得幼時左臂有痕自云團龍因糾黨署
偽令等官巡按御史高弘圖捕獲之又盤屋鄆縣妖人俱擒
巡撫孫居相上其事命叙撫按品兆熊高弘圖等

庚子少詹事黃立極徐光啟為禮部右侍郎充纂脩官總裁
右庶子林欲楫右諭德李標右中允楊景辰理誥勅

辛丑兵部尚書趙彥復言開路通滇之宜封疆之事議創不



如謙因闢新不如闢舊漢諸葛亮南征雅闔由越雋入而五月渡瀘者即建昌路也又按輿圖自四川雅州人雲南省城驛站相距餘千百里者無几不過添驛遞四五所而不足于百里者更相其山川之險易人居之密疏以增郵使役請除部餉六萬為建昌開路費從之

壬寅立春順天尹進春上御皇極殿受賀


癸卯陝西上巳籬等族番人及鋒鉄城等族番人焦吉巴等貢馬刀甲

乙巳諭封李倬朝鮮國言先命登撫遣官同陪臣賈賜候事寧專使

丙午南戶部尚書王永予告

撫治鄖陽右僉都御史蔡復一劾四川募兵援黔知縣戴文箕領兵都司胡文選馬倫守備饒啟祚等駟騷淫掠命訊之遂妖人宋明時初譚謙益以異不才異薦兵部行薊督驗試適屬夷朗素挾賞令試之設壇練士凡三七日謂不宜興戎失款隨改祝文潜消之後朗素退任功且云朗素法斃不久在立春竟亡恙兵部請寘于法上命逐之

設遷曰古未有符咒殲敵者當其妄薦即宜移郊遂之外



以嚴左道本兵不之察猶異一割始請寘法僥倖嘗試安
在為用人哉

丁未封成妃李氏

江南江北地震

己酉總督貴州兵部左侍郎楊述中巡撫王三善入巢屢

捷安邦彥奢寅等僅以身免首功萬八千餘級械畜七等官

軍行過河上悅輸戶部勞吏卒三萬金

廷議以督輔在停總督惟偏沅仍巡撫及按臣督餉從之

總督薊遼少傅兵部尚書王象乾言兩年三季撫夷共金三

十二萬六千九百有奇視舊蠲二十萬為減且求去上命

候代

總督四川等處兵部右侍郎兼右副都御史朱燮元上言總

兵官李維新監軍副使李仙品兵備僉事劉可訓等各五道

進兵深入龍場擒奢崇明父子及偽軍師蔡金貴并婦安氏

斬千餘級

庚戌命補故兵部員外郎楊繼盛諭葬以保定巡撫張鳳翔


之請

命太監魏忠賢總督東廠

國權

天啟三年

空




辛亥王三善自引兵克金銀山斬獲甚衆時寇援已集我師
老食盡

壬子大學士葉向高一品考滿六年韓爌一品考滿三年進
向高上柱國太傅廢尚寶司丞爌左柱國廢中書舍人並兼
尚書俸

乙卯禘祭太廟

黎維祺襲安南都統使初黎維新于萬歷己未年死維祺僅
十三歲政在衆目至是遣官請襲

是歲天下戶九百八十三萬五千四百二十六口五千一百
六十萬五千四百五十九田七百四十七萬九千三百十九
頃八十三畝有奇米二千一百四十九萬三千五百六十三
石一斗有奇



國權

天啟四年甲子

正月丙辰朔 上御皇極門內殿受賀

戊午貴州巡撫王三善以大方餉盡議班師陳其愚輸情于

賊私樹標馬賊急追我副總兵秦民屏被殺秦左明祚明突

圍出賊勢復張


已未葉向高韓爌辭新命

庚申巳刻天津地震

國權 天啟四年

鹽官設遷孺木著

國家圖書館, NATIONAL CENTRAL LIBRARY, TAIWAN, R.O.C.



御史黃尊素言余懋衡曾于汴陪推蒙點相繼拂衣于是劉
宗周恬引于先饒位堅請于後此皆數十年之培養老成不
可不惜也

辛酉 上享太廟

癸亥王三善至梅家海賊大至三善獨保一山賊退至內莊
甲子始日講

御史王業浩請補高祖故南京尚書王華贈謚不許


乙丑王三善兵敗于鴨池自刎不死擁衆執之不屈遇害初
賊偽款至是畢至圍之官軍不相顧遂潰監軍岳具仰同知

方明棟梁思泰守備田有龍並明沒三善 永明人崇禎

初贈兵部尚書廕錦衣千戶立祠賜祭葬

丁卯戶部右侍郎陳于廷改吏部禮部右侍郎南師仲為左
侍郎協理詹事府右侍郎溫體仁並佐部兵部右侍郎高第
為左侍郎太常少卿楊鶴為右僉都御史巡撫南贛

葉向高等言添註一事祇因 皇祖時遷謫過多 皇考與
皇上盡行收召人浮于官勢不得不出于此頃科道屢言將
添註遽停夫添註遽停則京堂之壅滯愈甚言者欲令其請
假引疾此于政體寔為不平何也諸臣雖年力才品不同其



遠者皆沉淪摧抑二三十年近亦累資而得今諸臣之起不
二三年其至九卿八座者僅數人而鄒元標鍾羽正馮從吾
輩又不究其用以去所存無几柰何又生厭薄欲一舉而空
之也命仍之令前左副都御史馮從吾為南右都御史

戊辰詹事黃士俊為禮部右侍郎少詹事施鳳來為詹事右
庶子林欲楫為少詹事同禮部右侍郎黃立極直經筵


己巳禮部右侍郎黃立極協理詹事府充寶錄副總裁右中
允楊景長撰勅誥

庚午少傅兼太子太傅戶部尚書武英殿大學士何宗彥卒

江西金谿人籍隨州萬歷乙未進士授編脩至今官贈太傅
謚文毅

巡按廣西御史賈毓祥言粵西之患有三曰交夷曰土司曰
獞徭見設之兵餉但防獞徭而交夷土司不與焉今交夷擅
兵不請襲兵蚕食思陵遷隆諸土司偏我上石西太平思明
侵地計二百七十二村矣水西之變泗城南丹陰通安首思
州不受調獞徭伺掠賓州八寨為群盜根株土舍名為我用
實相窺隙宜相度險要增兵防守章下兵部

福建道御史李應昇言今賞罰不明 皇上試問罪門瑞遣



而謾書入者何人馬上催而三路敗者何人貪殘激變而遺
患黔蜀者何人賄脫盜庫而一網善類者何人即今劉朝斥
死而天下之為劉朝者甚衆賞罰倒置逆黨漏網毋乃以護
紅丸之故護風顛以輕封疆之故輕爵廢乎 上責其泛
壬申御史崔奇觀劾漳南道副使程再伊聽副將張嘉策受
紅夷三萬金許彭湖互市


癸酉廢吉士授官方逢年劉必達陳具慶倪元璐黃道周為
編脩張士範謝德溥張四知王鐸鄭之玄屈可伸徐時泰王
啟元朱之俊陳盟孫之獬文安之李明睿許士柔黃錦為簡

討楊夢家劉先春王鳴玉杜三策陳維新為吏戶科給事中

楊玉柯梁元柱為御史

上芭籬等族番人滄中等貢馬及方物

左都御史孫瑞言五事申臺綱重巡城釐陋規御史非奉旨
會薦不得濫舉帝恩御史欲弭盜防奸必先嚴行保甲報可
甲戌貴州巡撫王三善抵化筑水西鴨池之界賊畢至圍我
我據山上賊藝草火斷官軍不相顧遂潰三善墜馬遇害監
軍道 岳其仰及監餉同知方明棟梁思泰等副將秦明
屏守倫田有龍等血戰並沒百有餘人已巡按御史侯恂言



兩河失利先是王三善奮戈解圍軍聲大振以為獬鬼技止
此耳不無輕敵之心又念餉匱利于速戰于是決意進兵一
出陸廣以摠兵劉超建旗鼓楊明楷李世將等隸焉漢土兵
共三萬都清道僉事楊世賞監之一出鴨池以摠兵張彥芳
建旗鼓黃運清秦明屏等隸焉漢土兵共三萬貢寧道副使
何天麒監之一出黃沙渡以都司藍補袞統盧光祖等合廣
西之兵分道搗勦撫臣謂夷在目中矣豈意狡賊甚眾驅飢
卒而推強寇致有意外也哉三路惟黃沙渡全師撤回陸廣
連捷斬二千七百餘級因糧不繼獨山州土官蒙詔受賄先

逃官兵爭北渡河輜重盡棄是役也楊明楷被執不屈諸將
姚旺等二十七人力戰死官兵亡三千人賊尋攻鴨池初殺
傷相當秦明屏既亡石砬部下游擊覃宏化藉口枵腹糾眾
同回衝殺官兵百餘人餘盡潰去此臣確核最悉者因分別
督撫道將罪狀

已亥通政司何喬遠告老進戶部右侍郎


貴州道御史張爌言兵部添設三侍郎當裁湖廣巡按當增
下吏部

左副都御史喬應甲應召道奏東林黨魁李三才藉黃正賓

國權

天啟四年

五



汪文言交通趙南星高攀龍等力為引援 上是之
丙子太僕卿丁啟濬引疾去

御史黃尊素言科道之設惟叅駁糾彈各有司存自東事告
急輒薦舉高才邊單詔一頒廣開起廢于是有乞憐徑請有託
介求容而人遂相沿薦舉之常夫獨不知科道之職掌乎請
尚方之劍吾責也發蒲輪之徵非吾責也漏吞舟之網吾責
也賦招隱之章非吾責也 上是之

丁丑工部右侍郎饒位致仕
妖人王好賢從徐鴻儒而逃至是獲之誅

戊寅右庶子張廣改左庶子右諭德丁紹軾李康先李標為
右庶子右中允錢謙益為左諭德各兼侍讀右贊善孟紹虞
曾楚卿為洗馬檢討馮銓為右贊善

兵部左侍郎張鳳翔孫翕之廕錦衣衛百戶
刑部左侍郎牛應元予告


蘇州府同知楊姜削籍以織監李寶奏其擅減袍服得嚴旨
巡撫周起元言姜守官清正特謁織監不行屬禮亡罪被誣
竟奪職起元之禍藥矣

刑科給事中解學龍請脩正史言史家之體有編年祖之春

國權

天啟四年

六



秋紀傳本之三傳我朝 列聖實錄祇昉編年而事之首尾
不相貫人之本末不可知况乎革除土木至今公案未定其
間一姓遞承委裘無恙乃操觚者拘其忌諱致令叅稽尚仍
夫蠹簡祇為龔舛何以傳信至家乘野書皆得以肆其私筆
寧非聖朝一大闕事哉今宜開局纂脩正史刻期告成願所
以成之者有三曰蒐其人曰萃其書曰督其程 上命實錄
成議之

甘肅松首銀定等思復故策謀犯松山西寧道 馮任叅
將李維新邀之大明沙斬六十五級


已卯太常少卿鄒德泳為右通政江西叅政朱萬春為太僕
少卿

辛巳吏部推鄒元標南吏部尚書不聽左副都御史鄭三俊
為戶部添設右侍郎時興元標同推獨用

南工部右侍郎陳長祚改左侍郎南太僕卿周汝登為通政
使大理右少卿王遠宜為太常卿工部右侍郎吳用先改兵
部總督宣大山西

南刑部主事樊玉衡致仕進太僕少卿

葉向高請召還脩撰文震孟庶吉士鄭鄴給事中毛士龍侯



震暘熊德陽御史江秉謙賈繼春等不許

工部尚書王舜鼎言各鎮器甲自造不得專乞京庫虛其根本從之時薊鎮樂和聲總兵王威各求發京庫
裁施歸兵備僉事

癸未日旁有黑子相盪凡四日


二月乙酉朔吏部再推鄒元標南吏部尚書 上老之不允葉

向高言其精勤可任不聽


有男子朱八云慶成府宗室頌寬乞名封祿糧禮部以越關
奏擾仍錮于邸

丁亥大學士顧秉謙釋奠大學

督師大學士孫承宗言今邊方大計不過曰守曰款曰恢復
皇上勅臣曰寧遠廣寧及河東土宇漸圖恢復乃觀天下大
勢似專守關以內而近且曰國家失河套大寧不失為全盛
何必復遼東然而遼東不復關不可守欲復遼以守關則關
以外必不可不兵屯必不可不脩築而寧遠覺華之議必不可
輕罷請以守言之允客兵利速戰主兵利久守今關城聚
秦晉川湖齊梁燕趙之眾盡號客兵亡論糧料不繼即其繼
也不通不譁而坐食使自坐困蓋以速戰之備為久守之謀




欲進則不足久守則必變故議兵必在土著然薊黔土兵而
守遼以內則遼兵亦客也故隨遼人之便安插于兩衛三所
二十七堡間以土以屯曰以遼人守遼土養遼人使關外之
脩稍足則關內之防稍減况守在關以內則內脩淺薄守在
寧遠則山海已為重關神京遂在千里之外今天下亦嘗計
及此乎再以款言之臣之初抵關毳幕旃車雜遝固阜一登
陴而腥羶之氣扑人日報劫殺議遠撫場而通官難之得廣
寧道議合初移之中後為百里又再移之寧遠為二百里以
兩協提路將分之信地即撫即防劫掠希少今議撤關外之
防為守關內則虜仍入關為撫而八部三十六家仍環聽于
關門且寧遠有道寧前有道鎮曰遼鎮撫曰遼撫而安插遼
人于寧前則曰胎禍亡論十餘萬生靈何地安插而既無寧
廣之土地人民何獨存廣寧之虜賞今天下亦嘗計及此乎
再以戰言之賊薄寧遠則以置亡置死之兵合與亡與死之
衆心堅敢死氣勵亡生而外無可掠中無可布砲矢既倍兵
民既濟兼以海出其後山峙其前竒伏間出賊必殲焉即或
越一城而前寧城已綴其後即或合一城而守之各城已扼
吭其即或直抵關門不顧而前有堅城後有勦兵自可立見



掃蕩又或妄意及海則覺華島之駐師與夫望海臺之泊舡
相控而長鯨必授首于波臣又或下閩臣之精甲進圖恢復
則水師合東陸師合北水陸之間奇正出沒無端故拒
賊門庭之中與拒賊門庭之外其勢既便辨而從賊于二百
里之外與夫賊促我于二百之中其勢又辨今天下亦嘗計
及于此乎有心在天下而邊塞之情形未悉間憑道路之口
以為憂疑亦有心不在天下而邊塞之安危不顧祇念身家
之計以為徼倖伏望 皇上立斷無搖衆議庶几臣之肝胆
有藉而土宇亦可復也 上嘉答之

戊子亦轄等族番人竹木等貢方物


孫承宗言臣議合款防為一督以兩撫臣分任薊遼緣 皇
上不聽臣去特借此以各分其任待臣去之日仍推搢督蓋
真見邊事不宜紛紜非搢督妨臣抑亦臣妨搢督私念臣與
搢督不必兩設非謂臣可久留而額負可裁也自今糧料不
繼而料且絕矣去年採青几二百萬遂可省金十二萬有奇
而今且絕部價不發 皇上所發帑金為軍需者戶部借三
十餘萬而閩城如洗近合馬步戰輜為車營者十而器具不
備臣所請寧遠邊城歲可得十七八萬而未敢言若馬價不



定撫賞不定何以應卒至于臣當邊務容稍暇十餘日以觀
天顏邊事重大一、面奏仍與朝臣一、講明其事臣仍任
之豈其弛擔臣之初抵閩也有給發無議論既而兼之今且
有議論無給發閩撫明而有幹略可謂有才其議守與臣同
而所以議守似與臣異臣自撫臣來凡更調將吏如滿桂之
守寧遠陳九德之守北山馬爌之守中右孫懷中之守高臺
陳一元安邦之招遼兵皆議于鎮道決于撫臣其未從撫臣
者獨撫臣數言臣不可出閩恐兵馬少無以威敵蓋老成之
見臣念閩外未安寔跋、于其言而竟未能從撫臣也 皇

上下廷臣雜議主客之兵可否久成本折之餉可否久輸閩
外之土地人民可否棄置屯築戰守可否興舉再察今日之
敵果否坐待自可消滅臣不敢望為百年計祇及五年問究
竟何如勿徒取快目前今當事之臣任其極重不返之勢也
上報曰兵餉戰守卿之前後條奏聽便宜行事不必下廷臣
會議其巡撫官意見不同恐不便行事令該部議奏

刑科給事中解學龍言建虜去冬之來非真來今春不來非
真不來也今鉄衣曾有的數否收買馬羸硝磺盛甲曾驗否
三農告匱束手莫支乃三帥各萬二千金為治第之資令人



駭愕營房每間價六金鎮將侵尅費不五六錢馬料芻豢十扣其半至于撫賞藉此以紓邊鄙之倣非持此以撤吾戰守之防今果何如哉 上切責其兄漫

及顏等衛都指揮懶禿等補貢馬

叙河南平妖功前巡撫今宣大總督馮嘉會為兵部右侍郎廕監賜金三十幣二巡按御史邱兆麟梁之棟各金二十餘


紀錄

庚寅廣東左布政吳中偉為光祿卿

辛卯太僕卿饒伸為刑部左侍郎南戶部右侍郎白所知改

為工部左侍郎協理殿工大理卿柳佐為工部右侍郎右僉都御史楊漣為左副都御史廣西道御史王一中為太僕寺少卿

故河南道御史湯兆京追贈太僕少卿江南宜興人萬歷壬辰進士令豐城有巨盜茂范氏窟都村流劫袁臨吉贛之間結左右伺官吏食息京叱密擒之陳最授御史署河南道給事中趙興邦特太宰趙煥婪恣連章劾之辛亥京察力斥湯賓尹及其黨鄒之麟韓敬初賓尹有盛名群必附之察時列其罪當事錯愕一日朝會賓尹問人曰孰為湯伯廉人指之



賓尹悚然

南工部尚書張輔之致仕

巡按直隸御史潘雲翼勸先後按遼諸臣言楊一桂按遼而撫順之變起陳于廷按遼而四路之師敗方震孺按遼而廣寧之城棄然各有心跡非所能挽回 上是之
壬辰兵科都給事中趙時用為太常少卿御史王尊德李時營為太僕少卿


總督倉場戶部尚書張經世致仕

癸巳禮部尚書林堯俞工部左侍郎陳長祚同欽天監正周

子愚擇葬 懷冲太子

戶科左給事中周之綱言恤民當懷三蠹曰奸書飛灑民糧曰有司火耗太重曰戶丁逃亡量行補豁用人當協人情而鄒元標推南銓不下余懋衡曹于汴皆陪推黜用避嫌而去諸臣續到格不得考選人情缺望章下所司

乙未工科給事中陳爾翼為廣東右叅議郭興治為河南右叅議四川道御史姚祚端為四川副使河南道御史張捷為陝西副使雲南道御史楊維垣為山西副使福建道御史周汝璣為陝西僉事吏部考功郎中倫肇脩為河南左叅議



巡撫順天岳和聲免

戎政兵部左侍郎朱光祚奏核練餉節省費先是元年發練餉三萬二千發帑三十萬逾歲費殆二十萬債帥奸徒出入莫問光祚核銀十四萬六千二百六十餘勒石貯庫

丙申始御經筵

御史張潑為太僕少卿彭鯤化為大理右寺丞山西左布政韓策為太僕卿

工科都給事中周士朴等疏救楊姜謫以為言不報

葉向高亦

夜月犯軒轅右星

丁酉大理左少卿左光斗為左僉都御史南通政使林學曾為南戶部右侍郎太常少卿葉茂才為南工部右侍郎工科給事中李精白為都給事中

沈敬爝仍南工部尚書

薊州永平山海地屢震壞城郭廬舍亡筭


戊戌御史李應昇言山東流民復業被驅請遠圖消弛之法時鄒縣知縣田吉以平妖後驅逐

吏科都給事中程註為太常少卿山西叅議劉復初為光祿

國權

天啟四年

十四



少卿

南刑部尚書李養正致仕

已亥御史汪泗論為太僕少卿高推為大理左寺丞

編脩陳子壯方逢年劉必達陳其慶倪元璐充起居注

錦衣衛都督僉事許濬祥進都督同知

總督楊述中奏貴州巡撫王三善敗陷兼請餉下兵部議

河東巡鹽御史劉徽陛辭疏及給事中周士朴等上諭內

閣并遣徽葉向高揭救不報

前甘肅總兵薛永壽侵餉以巡撫李若星論逮

庚子夜月食

太常卿桂有根致仕進工部右侍郎

辛丑應天府尹畢懋良為戶部右侍郎總督倉場

鄧漢為右僉都御史巡撫順天改撫治鄖陽蔡復一為兵部

右侍郎巡撫貴州

右通政王佐為太僕卿轄西路南太僕卿岳元聲為南兵部

右侍郎


御史黃尊素請復午朝面奏上以嚴旨尚不遵行何又午

朝面奏也

國權

天啟四年

十五



壬寅東廠太監魏忠賢奏減香品從之

祭酒蔡毅中進字學要覽命梓之

癸卯工部左侍郎陳長祚為尚書總督兩廣兵部右侍郎胡應台為南刑部尚書南太僕卿林材為南通政使起喻安性為右副都御史巡撫遼東


乙巳大理右少卿武之望為太常寺卿太常少卿孫昂相為太僕少卿

丙午起吳仁度兵部左侍郎太僕寺卿柳佐為工部左侍郎太僕少卿李成名為右僉都御史巡撫南贛順天府丞畢懋

康為右僉都御史撫治鄖陽

四川右布政李仙品為右僉都御史巡撫偏沅光祿寺丞吳亮為大理右寺丞

巡按貴州御史侯恂言拯黔事宜曰簡重臣撫臣候墮罹網督臣當戴罪料理今徵集士馬再規大舉若令督臣獨肩此事恐不能收戡定之略也曰設沅撫黔中兵餉一、仰給予楚非有人專督勢難源、入黔曰擇大帥魯欽馬炯既為敗軍之將旂鼓無主則大帥不可不擇曰扼要地新添平越偏橋節、且住一道臣各自募三千人彈壓路苗曰速協援勅




滇撫發兵仍下盤江以綴賊之肩背勅蜀督發兵仍進畢節
以衝賊之胸脇并勅粵撫簡銳進普安或進都勻為黔犄角
至營兵尚四五萬人作何整飭貴陽商賈統集流移作何鎮
定省會倉米不過四千餘石新添而下尚有儲積然轉輸甚
難惟有兵運作何事處置附叛土司沙學溫如璋輩昨皆投
降今作何駕馭苗仲龍蔡半載以來多方撫勸今作何羈縻
是在當事圖之矣 上大是之
左通政鄒德泳疏論鄭養性逆孽漏罪不報
兵部左侍郎高第致仕

川湖總督朱燮元奏分轄蘭地時奢宗明遁獲妻安氏蘭州
廓清燮元請以赤水河為界河東龍場等處屬黔河西赤水
永寧屬蜀永寧設道府與遵義建武聲勢聯絡若黔省誰使
則蜀自郡縣黔仍衛章下所司
丁未以風霾馳飭邊臣

大理少卿張延登為太僕卿添註尚寶司丞王時熙為太僕
少卿

吏部尚書趙南星言變通銓法四司官額十二人今止八人
昔時司官皆堂上自選無咨訪之說且每省直恒二三人每




一人自主事而員外而郎中皆徧歷四司再請告文選考功
郎中事任尤重偶乏人則他部調補陸光祖鄭汝璧輩是也
近者近署皆薦人自代議者遂有頂首之謗于是偶有員缺
發單咨訪于其鄉之京堂科道而又以吏科河南道非其鄉
者以示大公為諸臣絕謗也然而舊人日多猶資起用遠者
難到不得已就近推補限期速至其遠而不能待者亦就近
調補不妨一處二人待遠者至而後以一人避之昔年呂坤
黃克念皆寧陵人而同時司汝霖傅作雨皆沔陵人此臣所
親見也行此之道則旬月之間四司俱滿而銓政可舉矣

上從之

戊申大理寺丞倪思輝為右少卿


督師大學士孫承宗言臣以天啟二年抵關門獨趙率教以
二千餘人拮据前屯及馬世龍來分立五部三十營雅有條
次其後尤世祿王世欽相繼邊人頓有生色今謂世龍納賄
貪淫臣百口必其無臣亦自心胸豈其濛瞶而不擇致用匪
人以悞天下臣願用袁崇煥劉詔之彈力瘁心以急公不願
用腰纏十萬之逋臣閉門誦經之孱胆臣願用博大強毅之
馬世龍少年英銳之尤世祿王世欽不願用熟悞通脫之奸



猾臣嘗槩論諸臣如王在晉閭鳴泰尚欲有為而時或未及
展且推而即來未嘗求脫此皆君子之徒即熊廷弼矯、有
略王化貞勤、在襄倘御得其道皆更有為蓋泛駕之馬在
御跣趾之才必操乃若才鄙而怯識闇而狡工于投時巧于
避患曾不知天下有忠義之肝胆當其欲投善地悞入危疆
歷任既久不展一籌而徒假手以撓天下之是非廷弼輩此
之所唾而在晉等之所羞然幸且去矣乞 皇上俛聽臣言
立為分割毋以臣庸為累 上是之

薊遼總督王象乾報屬夷縛獻求款并酌撫賞先是十二月

象乾以朗素等求撫象乾令撫夷王牧民等調部長千人至
密雲諸夷以備邊勞苦領賞不及挿漢不平象乾責以賊殺
王楹又致其人抵法方賞貢使歸報朗素于是偵為未款打
來明暗多柰名台吉部夷伯彥兒太朗素令之縛獻至是三
十六家共 五百人叩喜峰輸罰象乾令叅將朱梅等議賞
欲歲再賞視挿漢梅不許而朗素等領哨運砲亦勞苦酌給
九百五十金每春防七虞方給其幣俟次年加一至四雙而
止所殺將九人殺兵一人各罰三九共馬牛羊二百九十七
上命叙錄各官



南京貢鮭鱒限十三艘毋擾駟

已酉進錦衣衛田爾耕少保兼太子太保魏良材等各陞級
以緝捕功

刑科給事中解學龍劾督臣楊述中坐視王三善敗沒置下
巡按御史勘奏從之

庚戌尚寶司丞黃正賓為少卿右通政胡汝敬為南京太常
寺卿

辛亥太常少卿薛鳳翔李若珪為大理寺左右少卿
薊遼總督王象乾言款之利敵誘西必為敵用我撫之

必為我用即諸不盡為我用亦可以虛着示聲援款之說
我與役爭而用之者也 上是之

壬子夜有星流東北大如盞光赤白即位星西南近至濁

朝鮮國昭敬王妃金氏遣議政府左議政李慶全等貢方物
禮科左給事中魏大中請雲貴主考就近撫按徵聘時兵興
道梗部覆雲南仍遣京官貴州如議

癸丑大理寺丞吳之暉為左少卿


黑于盪磨于日旁

孫承宗言臣見捕獲奸細紛然見告而左袒經略者捕皆巡

國權

天啟四年

二十




撫之人左袒巡撫者捕皆經略之人甚至啞孤兒立殺受
賞乞勅所司調濟寬嚴毋以遼民之在苦而疎于防毋以遼
民之可疑而苛于誅 上是之

甲寅辰刻京師及順永保河真定地震宮殿搖動有聲銅缸
之水涌波震盪樂亭舊舖庄地裂多穴水涌之尺餘色黑
上不豫

江西道御史劉朴言遼事自文臣死事外杜松之剛愎馬而
死王宣之慷慨馬而死趙夢麟之遲暮馬而死劉綎之竭力
馬而死麻承恩之善避馬而死尤世功之力敵馬而死朱萬

良之出戰馬而死諸臣死事不同俱無愧于疆場也何至于
祖天壽之逃也仍守覺華島魯之甲左輔之逃也仍守寧前
已立功自贖可勿論如許定國以加銜游擊逃有何功而今
授叅將任登州中軍也王興業以叅將守遼陽值 逃歸而
遷陝西江朝棟以叅將逃復借征妖希副將其他屢逃屢用
莫可指數不分別懲處何以儆將來乎 上然之

安南都統使黎維祺侵莫敬寬分兵三枝一攻高平一攻歸
順一上廣南攻歸順者殺二酋敬寬長子自刎其妾及少子
三人俱被擒敬寬與次子逃入山中復回高平



三月乙卯朔右通政郭尚賓為太僕卿大理寺丞蕭藩為右少卿並添註

初廷議裁薊遼總督以御史王祚昌言仍之

丙辰宣大總督兵部右侍郎兼右僉都御史吳用先改總督薊遼廣西巡撫何士晉為兵部右侍郎兼右僉都御史總督兩廣

兵科左給事中章允儒論總督楊述中禍黔不足又禍天下貴陽之守食人几盡而不可下鴨池之潰成師十萬而撫臣不歸非兵少也今復調浙廣之兵動經數省萬一乘衅起者

則吳粵皆重慶而攀龍輩將接踵可不寒心遂下部議

丁巳 上疾良已

陝西巡撫孫居相為兵部右侍郎尚寶司丞濮中玉為少卿禮部主事曠鳴鸞為尚寶司丞

總督薊遼兵部尚書王象乾去冬聞計至是代去進少師兼

太子太師

戊午大理右少卿傅振商為太常少卿


夜京師地再震

庚申南吏科都給事中姜習孔為南大理右寺丞

國權

天啟四年

序二



辛酉南戶科給事中歐陽調律為南通政右叅議行人盧時
泰知縣李恒茂為禮科給事中

朶顏等衛都督花歹等遣頭目可脫赤等貢馬

戶部尚書李宗延請發帑八十萬救黔 上命部先措十萬

借同價十萬餘俟外解毋請帑塞責

浙江道御史袁化中言弭災寔政請召鄒元標王紀毛士龍

熊德陽侯震暘江秉謙賈繼春文震益鄭鄂徐大相等入京

上許之

壬戌太僕少卿魏說為應天府尹

癸亥山東右布政程啟為南京太常寺卿南京福建道御

南

史譚錯為南京光祿少卿吏部驗封司郎中張守道為大理

右寺丞

甲子河南巡撫兵部右侍郎馮嘉會改總督宣大陝西叅政

宋槃為右僉都御史巡撫陝西太僕少卿董元儒為右僉都

御史巡撫廣西

乙丑左通政涂喬遷為南太僕卿


日講官太子賓客禮部右侍郎趙秉忠還里改葬賜金幣

丙寅兵部職方郎中鄒維璉改吏部稽勳司時驗封主事吳

國權

天啟四年

三



羽文亦江西也求去吏部尚書趙南星言羽文求去曰江西
不宜兩人維漣亦求去有從與維漣者曰是不繇咨訪夫同
鄉不嫌兩人臣前已言之而又求去意臣老不足與有為抑
別有所畏耶其應否到任候裁 上命即到任毋避
丁卯戶科給事中周之綱請裁黔督處分鎮道優恤死事諸
臣秦明屏等下部議

戊辰阮大鍼為吏科都給事中

通政左叅議李茂英為右通政刑部郎中張肇枋為通政右
叅議

己巳戶科都給事中朱欽相為太僕少卿尚寶司丞金士衡
為少卿

編修方逢年纂脩實錄

庚午大理右少卿謝應祥為太常卿


辛未太僕寺卿程紹為右副都御史巡撫河南太常寺卿武
之望為右副都御史巡撫登萊戶科給事中郭鞏為大理左
寺丞

進士普寧徐天鳳奏父朝綱以乙榜任貴州安順府推官殉
安首之難部覆上贈朝綱光祿寺卿予祭塋立祠謚 廢

國權

天啟四年

高



錦衣正千戶

壬申尚寶少卿姜志禮為尚寶司卿

戶科給事中孫紹統疏刺元輔葉向高奪祿六月

癸酉 上視朝

甲戌四川左布政林宰為太僕少卿

工部尚書陳長祚覆御史姚應嘉脩濬濟渠請卹泗河始事

尚書劉東星侍郎李化龍郎中梅守相等從之

乙亥瑞安公主庶子萬長祚廕錦衣衛都指揮使

尚寶司丞陳以聞為卿

王維周薛國觀補戶科給事中

御史張燿請逮督臣楊述中并罪鎮道諸臣不問

左都御史孫瑋言御史奉使回道考察舊制也今多稱疾不

由本院請自今考察回道俱定于御前復命違限二月以上


照會典叅處各御史果疾在地方巡撫代題如到京臣院代

題不得自奏從之

河南道御史熊則禎言時事因糾吏部郎中張國紳贓污不

報再糾之仍不報

巡按直隸御史彭鯤化請卹故戶部尚書李三才不許蓋三



才起官未任

丙子禮部左侍郎何如寵公為禮部左侍郎實錄副總裁
左庶子張廣為少詹事右中允劉鴻訓左贊善繆昌期為左
諭德撰誥勅

進田爾耕少傅兼太子太傅

陝西巡按御史劉廷宣請祀宋儒張載父迪于啟聖公祠下
禮部

丁丑魏忠賢廢錦衣百戶賚金幣時緝偽札吏科右給事中
彭汝楠言其濫不聽

總兵蕭如薰鎮保定黃越鎮貴州提督平清等衛王雲鵬署
都督僉事總兵鎮湖廣

戊寅福建道御史李應昇言內操 皇祖曾一舉行不兩年
而罷今 聖躬初愈神氣易驚柰何遽忘靜攝金鼓之聲如
昨不聽

已卯諭兵部京城緝盜

左通政鄒德泳為太常卿


慧濟扯包寺等族番僧馬你完卜郎劉巴貢方物

吏部覆吏科都給事中阮大鍼疏重懲貪凡撫按論劾各官

國權

天啟四年

五



賍私見任追之本任未任追之原籍載入考成轉解戶部如
頑梗不解不如法并地方官叅處處從之


庚辰巡撫鳳陽呂兆熊奏獲徐鴻儒遺黨金科馬嘉等俱偽
造符識誑誤江淮間命誅之餘仍緝捕

辛巳南戶科給事中歐陽調律奏請建文君編年廟祀言
臣備負南垣數趨陵廟及望東陵爽若有失夫懿文太子
廟貌宛然歲九祭而建文生為帝王沒無謚號既不得入
祔太廟又不得別享一祠封墓莫識魂魄安依二祖列宗
必有不安至編年一年成祖詔中原無降削位號之說前

此祇屬承訛今即列建文年號于永樂之前亦何嫌忌
而強附之洪武後統系不明乞勅廷議毅然舉行成一代
之美不許

癸未太僕少卿陳伯友為太常卿攝少卿事大理右寺丞易
應昌為右少卿

大學士葉向高等言今歲夏至祭地工部營繕司官及巡視
工程御史向臣等言皇上親行其壇當預脩築神幕器服
等距期月餘日夕併工亦未能及求來歲舉行臣等謂方澤
大祭豈得稽遲職掌謂何但祭期迫近不得不據寔以請如



祭典有舉毋廢略加脩飭仍令舉行倘以躬祭毋率暫遣官
恭代 上命來歲新享
戶科給事中孫紹統言驛募僉派之累命部嚴禁其擾
東江都司張盤議守金州必柵南關嶺禦敵方肇工敵兵驟
至被獲死之

四月甲申朔 上親享太廟

乙酉吏部尚書趙南星催補史記事李炳恭丁允薦賀煊并
汀州知府沈應奎並清劾從之記事炳恭補行人左右司副
煊元薦戶部簡較
刑科給事中顧其仁言蜀土重困乞擇守令毋以貲郎署篆
從之


丙戌總督雲貴楊述中免總兵魯欽裨將尹伸等並戴罪各
止

調南京浙廣兵

國權

天啓四年

二天



延綏生豕一首二身八足

戊子南京巡營吏科給事中姜習孔言冗員當裁選鋒當增
比練當周馬匹當減營官乘輜當草名色把摠當疏通從之
己丑大理右寺丞吳亮為右少卿山東按察使孟習孔為太
僕右寺丞右少卿

南京侍讀學士錢龍錫右庶子丁紹軾為少詹事兼侍讀學
士脩撰錢士升為左中允兼編脩俱纂實錄


禮部右侍郎董其昌以奉旨前採萬歷留中之疏分三百帙
又做史贊例各附筆斷共四十卷且薦南京太常寺卿李維

禎史才上從之

設遷曰雲間雲社並良史才適纂脩之期不專督其成亦
宰相之過也

石砮宣慰司搃兵秦良玉奏弟秦明屏戰死簸籬箒從子佐
明翼明突圍走因追叙援遼之役兄邦翰邦屏等戰死渾河
先後部目沒萬三千餘人上褒答之贈明屏都督僉事子
威遠衛百戶秦瑞明授本衛指揮僉事

庚寅兵部覆貴州巡撫蔡復一以偏沅巡撫通黔楚之脉過
路苗之梗勅住沅鎮來往平清間飭戎催餉若開府遵義便



于治兵遙于催餉宜如勅行延緩距貴州七千餘里南北風氣異宜聽冀懋中酌募不必取盈五百之數餘如撫臣議從之

蔡復一為總督雲貴湖廣長常等軍務兼巡撫貴州

四川總督朱燮元以擒奢崇明捷報及續報擒者崇輝非崇明也自劾其悞上不問

壬辰何如寵為禮部右侍郎

總督朱燮元言前遣叅將林兆鼎等以萬人徑抵大方見黔撫命為前鋒通路畢節復于永寧命總兵李維新僉事胡平

表以兵二萬仍督兆鼎由畢節夾攻不意狡夷偽款伏阻歸路官兵苦戰乏餉路梗蜀兵無可為計已檄維新等相機撤回矣


癸巳禮部尚書翁正春乞休因上三禮八箴上慰留之

禮部主客司添註主事畢自肅自貢夷宜擇貢約宜明貢道宜清貢伴宜選貢限宜定貢賞宜預貢衛宜用從之

丙申光祿少卿楊廷筠為順天府丞

南京左府僉書竇承勛提督浦口池河二營

丁酉陝西道御史張論廣東道御史劉廷宣為大理左右寺



丞俞誨為陝西右布政

廷試歲貢生

命偏沅巡撫李仙品移駐偏橋

庚子南京大理寺卿張五典許終養

辛丑禮科左給事中魏大中為吏科都給事中

補考選范紹序刑科給事中李魯生兵科給事中

王命新為南京大理右寺丞

祭卯太僕寺卿王之寀以前訊張差事疏駁曾道唯岳駿聲

上不問

設遷曰張差夙案王之寀叟何為專長挾私勢不激瀆
不止也

甲辰司禮太監王體乾魏忠賢各乞祠額禮科給事中恪霍
守典言此恤典也在身後不在身前二臣為非禮之請在
皇上為非禮之予不聽

乙巳遣魏忠賢往南京巨馬橋祀龍王祠

禮部郎中張光房為光祿少卿


設世德為將軍都督僉事提兵官鎮守寧夏

山西陽曲榆次地震

國權


天啓四年

三十一



貴州巡按御史侯恂上監軍勅因言水西之局不過勦撫兩
端臣為要其指歸曰法當剿勢當撫道當以勦為撫而已撫
臣之失不在初入大方在易敵而不之備從來用兵寧有懸
軍深入而不顧後勅頃兵久住而不憂中變者督臣雖有會
題衝進之檄而策應已晚救援不及所謂居中調度者安在
撫臣氣銳而疎進輒當先退輒殿後故勝則解貴陽之圍不
勝則身後其劄督臣自募苗兵之後寸籌未展坐視喪師豈
得委罪撫臣哉為今日計兵將不可不簡也軍精不可不儲
也招苗仲諭土司以解猴鬼之悲購渠魁寬脅從以離豺狼

之群而又滇師下盤江粵兵移泗城蜀軍住遵義以合犄角
之勢一舉萬全賊乃成擒待安邦位彥授首安啦母子悔罪
投死然後許以削地自贖俾約束部落納糧馬如舊從之
刑科給事中傅櫬言憲臣左光斗科臣魏大中色取行違臣
久知其非德類也如內閣中書舍人汪文言本歙縣庫胥竊
藏擬戍逃京師父事王安改名營納光斗不能追論而且引
為腹心中助其資斧招搖都市攬泊陞遷借權璫為名群
奸竇收其利借銓衡為市而端人反受其名不唯使疊案之
罪失點汚禁近且令一時之仕路盡出旁蹊世道陵夷害且



貽國遂下文言鎮撫司光斗大中不問

設遷曰任路如竅端人剛任擇地而蹈猶若浼焉矧敢輕
其身于磷緇雜還之場哉汪文言脫迹刀筆濡王安之幕
快口豪眉好言官府左魏目為異人延譽公卿間招權請
寄日行其私而左魏輩不悟也議者甚櫪之險鉗網始構
然比因已極即立黃靜流終貽自戚先朝覃吉懷恩之賢
初未聞諸君子推重而群麗之也

南史御張繼孟追論舊輔方從哲敗壞遼事所善同鄉錢象
坤上不憚奪俸三月

丙午賜貴州提督蔡復一尚方劍


吏科都給事中魏大中言宵小之志最不便于銓院吏垣有
用之于銓秉正疾邪之臣冢宰銳意治平求賢若渴得鄒維
璉程國祥用之于銓而櫪且自危光斗僉院大中叅吏垣而
櫪又自危故逐維璉國祥并及吳羽文繼攻臣等擇人而食
既詆君子為小人必以真小人之尤號為君子奉壇坫之上
外有脩內有援而櫪之招權納賄始得矣 上慰答之

設遷曰魏大中與櫪同官也雖薰蕕之異而辨宜婉不宜
詬宜詳不宜矜事本末易明而抗辭蜂涌何哉

國權

天啟四年

三十三



左僉都御史左光斗言汪文言之昭雪前司寇前摠憲也題授中書舍人今閣臣也于臣何預櫪結束啟理刑傳繼教為兄弟聯絡機鋒長安冷覩久矣上不問已傳櫪疏辨傳繼教本繫同宗族屬往來誰能廢之也

國子祭酒蔡毅中上廣規三書曰大學約言曰古文孝經曰讀書章程

大理寺卿林熙春致仕加戶部左侍郎

吏部尚書趙南春呈以郎中吳羽文鄒維璉不供職維璉揭引章惇之攻蘇軾蔡京之錮司光馬乞詰責二臣何以不遵

明命誰為章惇蔡京者得旨如其言


丁未南京鴻臚寺卿劉文徵致仕進太僕卿

河南道御史袁化中奏劾給事中傅櫪逞私逐賢舉國將空上令各脩職業毋角口

戊申江西道御史劉璞言古今大勢治亂在天下而整紛在朝廷何謂紛一私謁太盛一疏語多隱一處分太遲一部覆太文一票旨互異 上是之

已酉諭仍行當十大錢嚴私鑄

諭楚王進鯉鮓百斤黃魚十甜糟茄瓜薑萹蒿各一器又中



宮贛鮓鱒鮓鯉鮓各百斤並暫免餘加額

魏希孔廕錦衣衛百斤戶

兵部尚書王舜鼎卒字 浙江會稽人萬歷戊戌進士筮


任刑曹歷四川叅政按察使至今官學有淵源若官清慎贈

太子太保謚

吏部考功郎中鄒維璉言臣初調稽勲郎中科臣傅櫬草疏
欲劾臣及臣往謁科臣章允儒陳良訓詁屬多端奉旨到任
後三日彼逢人慢罵及轉考功忌刻彌甚迨同官吳羽文即
日出城臣不得已拜疏求去彼一再揭臣且及新推銓臣程

國祥計甚狡矣臣引章惇蔡京不過喻錮人如惇京必竟亡
益而為人所攻如軾如光必竟亡損豈謂臣即軾光臣鄉即
有惇京哉 上令維璉及羽文還署國祥可即到任
太監魏忠賢輯私鑄廕賞廣西道御史劉廷佐言 皇上所
忠賢可謂有勞則錄然察錄兩之奸非殊勲也安足為功從
此殃及無辜株連疑似害可勝道哉不聽

命嚴訊汪文言大學士葉向高等言文言係臣題充史館舊
名汪守泰前邵輔忠叅草其監生值赦辨復諸臣見稱遂錄
用之今得罪乞令法司確擬 上不報因乞歸不許




庚戌提河工部右侍郎房壯麗予告

辛亥王時敏徐元霖並為尚寶司卿

叙江南淮徐禦妖功前提督漕運李養正進太子少保廕監
賜金四十幣二提督陳道亨等陞賞有差

貴州巡撫蔡復一言黔之潰兵不滿二萬臣自郟入荆收兵
千餘所召牟兵尚未能至所恃施衛鎮草州縣民兵不能即
集又皆驅市人也兵之窮如此餉則臣借郟庫二萬搜括數
千金明旨給戶部太僕寺二十萬今未至也黔米每斗七八
錢水西夷亦飢甚而以大方所掠餉金十萬倍價購米苗寨

苗米至省遂寡我兵日餉四分僅米半升截路掠米益不
至餉之窮如此協援明旨非不森嚴然兩年來其效可觀滇
兵不能越盤江撫臣閔洪學疏可考天啟三年春周世臣等
領粵西兵聞陸廣河失利遂自奔潰撫臣王三善督之又自
謂粵官不受黔制三善憤其不可用因有辭兵解餉之議今
春蜀兵雖往畢節實未至大方也援之窮又何此用人則黔
中文武寥々選調視如虎穴又經兵疫有減亡增州縣之人
至借才鄉官而鄉官亦盡矣人之窮又如此臣前疏請兵十
萬兵部亦當予臣十萬之實臣前疏留荆岳長衡南漕米不



滿十萬石用兵十萬歲米四十萬而黔中地荒截留南漕非
二十萬石不可將才難得願兵部精擇預發入黔為代遺之
計又祁門教諭兵未嘉嘗捐貲制器協擒何中蔚宜假以一
銜軍前自效從之


五月甲寅朔錦衣衛指揮同知署北鎮撫司劉僑以寬汪文言
削籍許顯純代之

工部員外郎馬明瑞竊官鏹窖地被盜亡何獲盜所搜官鏹
俱郡縣鑄識者因削籍
乙卯南光祿少卿李文熙為南太僕卿

先是吏科都給事中魏大中奏辨奉旨到任及報鴻臚寺面
恩俄傳旨互叅未結何得到任于是御史劉芳言大中到任
皇上命之也浹辰之間自相矛盾不聽

丁巳賜毛文龍百金蟒衣一襲餘將吏陞賞有差仍給勅百
道待有功者秀水譚昌言為登萊叅政毛文龍藥遼人舌
獻俘昌言廉得之密與解毒湯旬日舌清乞命皆遼人也言
其實編為氓

戊午太僕少卿黃龍光為右通政光祿寺丞涂一榛為大理
右寺丞南光祿少卿陳采為南太僕少卿



已未檢討顧錫疇兵科給事中董承業主考福建刑部主事
劉餘祐大理評事馬之陞主考四川兵部主事吳時亮中書
舍人曹師稷主考廣東戶部主事林肇開工部主事王廷相
主考廣西

葉向高復求去曰臣方草疏忽見南臺臣黃公輔攻講臣錢
象坤慮臣去象坤且入閣臣愈愕愈懼士大夫之習象坤者
多稱其清脩恬靜毫無訾議故卜大典自有公評亦何庸如
是之過計乎


巡撫浙江王洽以浙兵驕易鼓亂求免調援黔許之

辛酉酉陽宣慰司冉躍龍以東西赴調屢效及其弟見龍殉
遼陣亡千七百餘人請賚卹命下兵部

壬戌命順天尹禱雨

增鹽課除陝西河東池鹽雲南應額不徵增兩淮兩浙長蘆
山東福建廣東四川共增課五十四萬七千九百九十三兩
貴州提兵黃鉞求沿途召募不許

兵部尚書趙彥言諸臣僂力東事可必亡虞然與其來而制
之不如制之使不來在聯西虜携其文濟毛帥以牽其應也
朝鮮向為文龍所倚居其地資其糧不宜久稽其封容臣申



諭保同心合力以制敵報如議

癸亥未時乾清宮東丹墀旋風驟作將內官監之大鉄片如屋頂者盤旋如紙墮于西墀鏗訇若雷

甲子浙江左布政周延光為光祿寺卿光祿寺卿劉復初為左通政太僕少卿錢春為右通政河南按察使張樸為太僕少卿


沈滄卒浙江烏程人萬歷壬辰進士選館歷太子太保禮部尚書文淵閣大學士濡跡璫媪見訾不休遺疏宋引司馬光仁明武三字非仁非無以容眾非明無以燭奸非武無以決

事為獻贈太保謚文定

設遷曰烏程素無疾倉卒易箒其遺疏殆子弟意也撫按不以訃聞烏程之婦上書求卹允之并責撫按可謂知烏程矣

戶科左給事中周之綱疏陳時政官府之情意尚隔臣子之實職未脩寬嚴之調劑未平輦轂之途徑當清亂黨之訛言易止上不懌責其沽名

廣西道御史劉廷佐言自戊午發難于今七年矣不可用餉益不足懾于敵固弱也借援于西亦弱也誠乘彼鷲伏爰



整頓討軍實而申儆之至餉則厚精施于驍勇分廩稱其才
伎使一餉有一餉之用于以減軍中之冗濫而寬閭左之絲
毫又乞免立枷寬法外之刑不聽

叙土司援蜀功石砭宣慰司女官秦良王子宣慰馬祥麟酉
陽宣慰司應襲冉天胤各賞賚有差土同知陳思虞長官楊
光斗等各加服


乙丑戶科給事中尹同舉為太常少卿

丙寅提督薊遼吳用先言抵任後即歷昌薊諸路及山海關
外至寧遠衛周遭二百餘里樞輔計事可無慮臣之憂非關

外難而關內難也關內三協延袤二千餘里精銳盡調以東
關內單弱不得不募新兵烏合之衆未集操練不迭則盜故
練新兵不如練舊兵喜蜂口白馬關大水谷潮河川桃林口
界嶺口人馬俱通尤為要害先年有墻臺烽堠明暗尖哨近
來水面傾圮班軍盡赴山海三年未築臣豫為估計補葺以
待兵集庶藩籬可固從之

丁卯孫承宗求去舉趙彥自代不許

甘肅松虜銀定台吉糾海西古六台吉謀犯甘肅榆林兵備
副使宋槃游擊周世顯以報巡撫李若星豫備之提兵董繼



舒擊斬二百二十七級虜大創去

刑科給事中沈維炳請免立枷不報

命中書舍人陳之濂獎諭四川土司

庚午以旱遣英國公張維賢告南郊恭順侯吳汝胤告北郊

尚書趙南星告社稷李宗延告山川林堯俞告風雲雷雨壇

劉天錫禱黑龍潭

順天巡撫右僉都御史鄧漢言薊鎮十二路東自山海西接

黃花鎮延袤二千里臣頃徧歷三協各關口雖無處不險而

平原大川可容數十萬大舉入犯又賞貢夷出入之路則喜

峰滿家口為最皆中協地也臣駐札處距虜十八里而近計

通中協四路頃增兵五千連東協共增六千兵增則餉亦增

然不敢煩主計也于新屬地方一捐益間即充用通州羸卒

萬餘強半虛冒斷宜裁止留兵四千守舊城西協九千人其


數溢即內撥二千以補中協所省多矣章下兵部

平遼摠兵毛文龍請餉百萬部議四十萬報可

廣西巡撫何士晉言安南都統使黎維祺政在頭目鄭松

沒子社椿爭立構殺安南大亂高平莫敬寬乘間直入維祺


走海上杜聲耿敬寬維祺復國但權歸鄭杜恨高平封何



惇諒山副總兵攻莫欲犯宣化廣西兵餉單弱先年增兵五千請留本省遼餉六萬有奇餉新兵至天啟二年而止乞再留四年章下戶部

登萊巡撫袁可立陳發兵出海之期言海上諸島對登州者旅順也東則平島三山廣鹿諸島在焉他島但可往來停泊惟廣鹿長山可屯兵如應援毛帥則二島為要若進窺遼陽此島又為緩地矣旅順以西有平頭四山不可泊舟西則雙島可住舟但薪水給于老岸未便也轉而西有麻洋島再北則松木汶闕島皆隘淺不堪住再北則中島南北汎口也三

島皆環海其去岸遠者六七里近者三四里陸地抵復州三十里蓋州百八十里水路抵蓋州則半日程東南風利抵三島覺華一日程如由蓋套入蓋州不十里由三岔入海不四千里由海州入遼陽百二十里且三岔沃野百里井泉茂林即充國之金城不是過之欲借登兵以圖恢復則三島誠為要路海外諸島之形勢大略如此今欲分地而守則旅順東各島毛帥業已兵屯且迫近金州頃兵部議金州當為毛帥進兵之地自當領之東鎮旅順以西則去平島最遠恐東鎮鞭長難及也今擬嚴正中等兵在旅順雙島之間與張盤牙



制袁進等兵任兩汛中島之間與覺華犄角然南汛中島潮
落可渡防守宜嚴至隆冬凍合則皇城島又為大兵出入歸
著之處東西策應之衝議以孫承祖守之事下兵部
辛未刑科都給事中李春燁言臣奉命核登撫陶朗先募兵
御史游士任招練副使劉國縉前案除士任國縉另結外獨
陶朗先徐應元宋大奎等罪狀逮問旨下九閱月而罪又未
到何也又何棟如八萬之贖宜久下廷尉尚入京投謁何怪
乎終日言清餉而餉不清終日言懲貪而貪愈甚也
壬申右贊善蕭命官為右諭德

張安為中軍都督府僉書


故刑部郎中贈太常寺少卿馬德澧子嘉柱廕入監

甲戌工科都給事中楊維新請發帑助慶陵并嚴挪借考成
之法言外解虧百六十餘萬非盡在民也或州縣解府解
司各移而用之上下相蒙撫按不核安得不愈久愈多耶今
限州縣解銀條某項即鑿某項字于上及年月冊上之府
冊上之司、並府州縣冊上之部則挪移之弊可祛矣至考
成之法應解錢糧越一季作何罰治越二季罰倍之越一年
則漸加焉以十分為率完及八分七罰虧二三分作何罰治

國權

天啟四年

三




四五分罰倍之六七分則漸加焉府不責之州縣則罰府司不嚴之府則罰司按撫不嚴之司則並及撫按斷在必行如此而猶虧額臣不信也 上以金花銀不許餘皆如故 已亥南禮部右侍郎張萬予告 戊寅故浙江長興知縣石有恒贈太僕少卿廕監予祠祭主簿徐可行贈湖州通判附祠

設遷曰長興雖有治聲突死于盜平昔之扞振謂何而贈廕祠祭得荷全典予法濫矣繁纓之惜未季誰其人哉 已卯南禮部尚書黃汝良致仕進太子少保

夜有流星如蓋大青白色自壁入于天倉二小星隨之 庚辰編脩陳子壯戶科左給事中周之綱主試浙江檢討丁乾學吏科給事中郝士膏主試江西編脩方逢年兵科左給事中章允儒主試湖廣吏部主事孫昌齡禮部主事邱履嘉主試陝西

辛巳督餉戶部左侍郎畢自嚴言海運始計一年兵額十萬七千人與調到兵十四萬每人月支五斗該海運米共八十四萬石春秋兩班防軍各二萬七千每下班日支米一斗合八萬一千石共九十二萬一千石以料豈言馬羸三萬二千



七百匹各鎮調齊可四萬匹每匹支全料一石二斗六閏月
共二十八萬八千石放青六月月支豈九斗共二十一萬六
千石二項共五十萬四千石乃津門之糧運何如哉部議歲
額米八十萬內東亮米二十萬原以該省加派銀十二萬八
千八百八十七兩二錢五分作為糴本每石價六錢有奇道
府欲增至八九錢今部解米僅二萬六千四百餘石才十之
一耳部議歲額益三十八萬內保定八萬石該銀四萬俱取
給于雜項該府止認一萬一千兩夫以原派米豈尚廩不
給今額外欲增米十二萬一千石豈三十萬四千石斯豈易

為力哉臣與司道悉心而議一議加本色今新漕將至截米
十二萬一千石而又以銀五萬二千于河間買十萬四千石
轉運關門此一策也一改給折色關門見銀四萬九千二百
餘可抵米六萬一千五百餘石仍例補滿十二萬一千石折
色之數料豈每石價七錢仍以銀七萬二千八百滿十萬四
千石折色之數今山海餉司于夏秋間量支折色米豈一二
月銀盡而止此又一策也命下部議


久旱至是大雨諸臣奏賀

固原華亭大雨雹傷稼又塞上大旱

國權

天啟四年

四十五



吏科都給事中魏大中糾霍邱知縣鄭延祚東餽六十金下
撫按訊之

壬午督師大學士孫承宗上車營圖說計騎步二十四營合
為車營外有先鋒後勅騎兵七營合騎步九萬二千八百五
十六人內步兵四萬一千八百五十六人俱足騎兵五萬一
千人見少一萬五千七百八十九人議催各鎮兵可得萬人
其馬宜六萬三千六百十三匹今少六千五百八十九匹擬
于京營內量選三千五百太僕寺量兌三千一百其餘各營
所需細大之數約七十餘萬乞發帑金二十四萬兩 上是

之發十萬

安南祿州酋韋德成何惇來獻初何惇入寇上思憑祥焚
掠甚慘為患二十餘年至是撫臣檄安南殲之所侵村崗
悉復


六月癸未朔勅存問周府應城王在銓齒德并旌其長子肅落
剗腹孝行從周王肅濤之清

左副都御史楊璉劾東廠太監魏忠賢專擅旨意多出傳奉
公然三五成群勒逼誼褻政事之堂几成鬧市大罪一交通
孫杰論去閣臣劉一燝家臣周嘉謨急于剪已之忌不容

國權


天啟四年

四十六




皇上不改父之臣大罪二執春秋討賊之義者禮臣孫慎行也明萬古綱常之重者憲臣鄒元標也忠賢一則逼之引疾一則嗾言官劾去顧于護黨氣毆 聖母之人曲意綢繆終加蟒玉以贈其行是何親于亂賊何仇于忠義大罪三王紀為司寇執法如山鍾羽正為司空清脩如鏡忠賢一則使人喧辱之去一則與沈淮構陷之削籍顧于側媚善侮者破格黜用驟加一品以歸大罪四國家最重無如枚卜忠賢力阻孫慎行盛以弘豈真欲門生宰相乎大罪五去歲南太宰北少宰皆黜陪推掉弄不測大罪六滿朝薦文震孟等抗論稍

忤傳令降斥屢經恩典竟阻賜環長安謂 皇上之怒易解忠賢之怒難銷大罪七去年 皇上南郊傳聞宮中貴人以貞靜荷寵忠賢恐其露已驕橫謀之私比託言急病立刻淹死大罪八裕妃以有喜傳封忠賢捏偽旨勒令自盡大罪九中宮有慶已經成男乃繞電流虹之祥化為飛星墮月之慘忠賢與奉聖夫人實有謀焉大罪十 先帝青宮四十年所護恃僅王安一人忠賢以私忿驕旨掩殺于南海子餘內臣擅殺擅逐又不知其几千百也大罪十一今日求獎賞明日求祠額王言屢褻近又于河間毀民居建坊築愁築怨引恨



吞聲大罪十二今日廢中書明日廢錦衣衛金吾之堂口皆
乳臭誥勅之館目不識丁如魏良卿良弼良材等五侯七貴
何以加茲大罪十三用立枷之法以示威前歲枷死皇親數
人其排陷皇親搖動中宮若非閣臣護持言官糾正椒房之
戚几興大獄大罪十四良鄉生員章士概以爭煤窰傷其墳
脈託言開礦而致之死大罪十五王思敬胡遵道侵占牧地
徑自拷掠大罪十六周士朴執糾織監在工言工竟停其陞
遷使困頓以去大罪十七北鎮撫司劉僑不肯殺人媚人竟
令削籍大罪十八科臣魏大中到任奉旨鴻臚寺報單忽傳

詰責大罪十九忠賢受事東廠雞犬不寧野子傳應星等搖
摺引納陳君恭傳繼教助之片語違忤駕帖立下勢不至興
同文之獄刑黨禁之碑不已者大罪二十韓宗功潛入忠賢
之家事露始避發銀七百創肅寧新城可作郿塢大罪二十
一同奸輔沈灌創立內操安知無大盜刺客寄名家丁倘或
伺隙可為寒心大罪二十二近日忠賢進香涿州鉄騎簇擁
蟒玉追隨警蹕傳呼歸則駕四馬羽幢青蓋夾擁環遮入幕
密謀叩馬獻策者實煩有徒大罪二十三忠賢令春走馬御
前皇上射其馬貸以不死進有傲色退有怨言大罪二十



四奉聖夫人客氏又彌縫其罪戾而遮飾其回裏故掖廷都城即大小臣工皆知有忠賢不知有皇上乞正法以快神人之憤客氏俾居外宅無厚其毒
甲申太僕少卿曾陳易為大理右少卿
魏忠賢辭東廠乞罷上慰留之爾聞言增惕不一置辨更見小心蓋魏廣徵所擬也楊漣疏尚留中葉向高等請并發叅議乃下漣疏切責其尋端沽直向高語左贊善繆昌期曰楊大洪疏何易也渠于上前時有匡正上嘗攫飛鳥渠不令上小璫賜緋叱而禁之亦誠慤人也蓋向高懼禍謀兩

全竟不能力持

乙酉丁元薦為尚寶司丞

故吏部尚書梁夢龍贈少保予祭葬

給事中傅樹陳良訓御史張訥各疏攻趙南星左光斗魏大中鄒維漣等俱有旨切責

丙戌故贈禮部右侍郎吳中行孫儼思廕監

通兵州新兵譁戶部急以漕折萬金餉之

丁亥行人左司副史記事為尚寶司丞

保定地震壞城郭人畜

國權

天啟四年

四九

